

24HD Tv's and 2 projectors for all of your sporting needs

BUSTER'S

SPORTS BAR AND GRILL ARUBA

MONDAY - FRIDAY FROM 2PM - 7PM

HAPPY HOUR \$3 selected Beer
\$4 Mixed House Drinks

Full kitchen open late

HOME OF ARUBA'S ONLY BEER PONG TABLES

For All of your Sporting Needs

OPEN MONDAY - FRIDAY 2:00P.M. / SATURDAY - SUNDAY 12P.M. open early for FOOTBALL MATCHES

Palm Beach - 355 South Beach Center
Tel 1291-3027-3484 Email buster@buster.com

Indicando cu tin un ruta 'alternativo pa carnaval cu ta miho'

Grupo preocupa ta muestra pakico ruta 'nobo' ta malo

ORANJESTAD – E grupo di habitante cu ta obhecciona cu e ruta 'nobo' di carnaval pa Oranjestad, a haci un presentacion pa ilustra kico ta e obheccion principal pa cu e ruta, y pakico e ruta 'alternativa ta esun miho pa uza segun nan. Cu un asina yama 'presentacion visual' nan a muestra e puntonan di nan preocupacion.

Segun e grupo, e ruta di Vondellaan pa Boulevard ta hanchu, nos Carnaval por luci manera nos principal manifestacion cultural merece. Tin 28 salida di emergencia na banda, suficiente espacioso si un tractor/trailer mester danja

den parada, tin solamente 55 cas na basta distancia di caminda y tin un sistema di riolering cu por worde usa pa e w.c. nan publico. Tin solamente 5 localidad cu ta bende alcohol riba henter e ruta.

Den caso di e caminda di Noord pa Eagle: Tin directamente 224 cas ariba e caminda compara cu 55 riba e ruta anterior, hopi tereno priva, no tin sistema di riolering, 15 negoshi ariba e caminda cu por bende alcohol (y facilita abuso di alcohol), lo tin venta ilegal y sin ningun control di bebida alcoholico y cuminda riba e ruta, no tin suficiente lugar di parkeer y e exit-

nan ta hopi smal pio si tin auto para na cada banda di trottoir. Alavez si polis, Rode Kruis, ambulance of brandweer tin cu pasa ey-banda nan tin cu haci yen di maniobra prome cu nan por subi un caminda grandi pa yega p.e. hospital. Por ta hasta ni pasa nan lo por pasa. Hopi tempo critico lo bai perdi.

Ademas nan ta muestra cu wayanan di coriente, Setar of Cable TV cu ta colga abou y cu ta stroba pasada di carozanan y/of trailerman. Subida y bahada bastante steil na "subida di Ponton" cu lo stroba e participantenan patras y dilanti di e trailerman y alavez e

ta un peliger pa e publico tambe. E trabou di driver-nan a la vez lo wordu dificultu masha hopi mes.

E barionan riba ruta ta barionan hopi tranquilo, excelente bario residencial pero totalmente inadecua pa Carnaval.

E camindanan ta hopi smal; Carnaval no por luci, no por 'hala rosea'. Na moda di papia "Carnaval ta worde saca for di un caminda na unda e tabata por luci" pa hinke den un "hanchi" na unda cu e no por luci ni "hala rosea". Ta asina nos kier engrandece Carnaval? Pa un turista e ruta aki no ta atractivo al all.

Zonido di musica lo ta insoportable pa e mes motibo di e camindanan smal y cu e casnan hopi cerca di caminda. Hopi negoshi ariba e ruta lo perde venta pa motibo cu nan no lo ta accesible pa nan clientenan p.e. Ponton Laundry, Wema Ponton, Botica, Veterinario Contreras, etc.

E ruta alternativo cu e grupo a presenta ayera ta di ex House of Cheng te cu Fatum ariba e parti pa-bou di caminda (Sasaki). Nan ta scohe pa esaki pa e siguiente razonnan: Sasaki no ta tereno priva, e ta mas hanchu y espacioso, carnaval por "hala rosea", carnaval por luci, tanto den hanchura como den haltura, no tin kabelnan di

Setar, Elmar of Cable TV ta colga, e caminda no tin ningun helling, hospital ta ey mes den caso di cualkier emergencia medico, no tin ningun cas riba e ruta, un banda di caminda (banda pariba) ta keda habri pa parking y pasada di emergencia. Tur otro trafico lo uza e caminda bieu di Eagle Beach.

Tambe nan ta muestra cu tin suficiente lugar pa mirones por parkeer na un manera responsabel y pa wak Carnaval, mas accesible pa turistanan cu kier bin wak Carnaval, e ambiente lo ta mescos cu Vondellaan-Boulevard ... Hasta tin mas espacio.

E grupo ta sigura cu nan no ta contra Carnaval, nan no ta contra SAC, nan kier busca un manera pa sinta na mesa pa dialogo y yega na e mihor ruta, tur esaki despues di un debito evaluacion.

Nos no tin e impresion cu esaki a tuma lugar. E ruta Noord-Eagle a wordu acepta sin siquiera debidamente evalua otro opcion cu por tin cu un "open mind".

Nan ta pro pa institui un comision di SAC y e otro instancianan concerni pa evalua e diferente rutan pa asina yega na uno cu ta beneficia nos Carnaval. Nan ta muestra cu nos tin cu bai adilanti, cu e ruta Noord-Eagle ta atras so nos ta bai. □